



# 祥符县志卷之一



## 图考

志所以志盛也，所以志衰也，亦所以志盛之终归于衰，而衰之渐复于盛也。明兴二百余年，大梁之盛，无以加矣。迨其季也，缘林残毁于前，黄流荡没于后。二版填淤，一望蓁莽，物盛而衰，固其所也。清兴十八年，生聚教养，渐有起色，而城郭衙署半非其旧，其衰之渐复于盛，而尚未极其盛者乎。并为图之，俾展卷者人目了然，且以识盛衰之故，为匪细也。至河堤星野，则天人之事备焉，作图考志。






順治祥符縣志校注



舊縣治之圖

有各果



順治祥符縣志校注

卷之一

新學宮圖

中後


明倫堂

明倫堂

文廟

祿作


三  
正  
統  
十  
年  
國  
考  
卷  
之  
一



順治祥符縣志校注

卷之一

〇〇五



順治祥符縣志校注

圖之野蓬

祥符縣志

卷之一

順治祥符縣志校注

卷之一

〇〇七

房 齋

西成

東

鉤鈴

房

房

東

## 沿革星野、灾祥同序

志纪沿革本地也，纪星野本天也，纪灾祥本天地之告人也。虽然地之废置靡定，星之流动不居，而人之修德则有准焉。故览沿革，非以辨名也，即鉴兴亡之由；观星野，非以瞻象也，即察休咎之故；睹灾祥，非以纪事也，即行修穰之术耳。昔司马迁、班固谓阴阳之精气，本在地上腾于天，古今以为至言。天地固相通，然则克尽人事，而地不能困，天不能灾，不又有即人而通天地者乎？因并出之以为志。

祥符古豫州域，春秋郑地，战国魏侯瑩始都安邑，苦秦伐东，徙大梁，开沟池引浚水，遂置邑曰：浚仪。秦属三川郡，汉置陈留郡，以浚仪属。而开封县，在浚仪南五十里，属河南郡。东汉因之，晋以浚仪属陈留国，开封属荥阳郡。东魏于此置梁州，而郡县仍旧。北齐废开封县并于浚仪，俱属陈留郡。后周改梁州为汴州。隋州郡俱废，复置开封县与浚仪，俱属荥阳。

唐复置汴州，增置小黄、新里二县，小黄在浚仪东北四十五里。今马尾墙保小黄铺即春秋宋之黄乡。

新里在浚仪西南五十里。今闹唐古亦陷新里乡也。

贞观初复省二县，并开封入浚仪。梁都之，升开封为府，后唐及晋汉周相沿。宋为京畿，真宗景德间，因天书有大中祥符三篇，遂改浚仪为祥符。金主完颜亮易东都为南京路，自燕徙都之，开封东附郭，祥符西附郭。金主雍复都燕，至珣又徙汴。嘉定二年克复京东、河北，未几复失。元河南江北道汴梁路，二县仍附郭。明洪武元年，省开封改汴梁路，以祥符属开封府，国朝因之。

## 星野

按《周礼》保章氏以星土辨九州之地，《史记》天官书以房心为豫州分星，晋《天文志》亦云。然大梁，豫州之域，入房五度星曰大火宫，曰天蝎时，曰卯州，曰豫。祥符，梁地也，亦当房之五度。

## 灾祥

### 周

显王四十七年，有女子化为丈夫。

### 汉

景帝中元六年，梁孝王田北山，有献牛，足生背上。

武帝元年六月，客星见于房。

元帝建昭元年正月戊辰，陨石梁国，六。

宣帝本始四年四月，地震。



### 后汉

光武建武二十九年四月，蝗。

章帝建初八年，有凤凰、麒麟、甘露、嘉谷之瑞。

### 魏

青龙五年五月，荧惑犯房。

### 晋

武帝泰始四年九月，大水。咸宁四年，螟。

愍帝大兴三年六月丙辰，太白与岁星合于房。

穆帝义熙十一年五月甲申，彗星出天市，扫帝座在心房北。

### 南北朝

齐复五<sup>①</sup>，天统四年七月，孛星见于房心，白如粉絮，大如斗。

后周大象元年，有黑龙斗汴水侧，黑龙死。

北齐河清元年四月，黄河清。

### 隋

炀帝大业四年，彗星扫文昌至房而灭。

### 唐

高宗永徽六年，大水害稼。

文宗开成十一年九月乙未，有彗见于房，长三尺。

昭宗大顺二年七月癸丑夜，相国寺火，大雨暴至，平地水深数尺，火益甚，延及民居，三日不灭。

天祐元年九月，汴人进白兔。

### 五代

唐长兴二年四月，汴州火。

周广顺三年，大水。六年六月，天地晦冥。

### 宋

太祖建隆三年，相国寺火，燔舍百区。春夏大旱，十一月壬申，岁星荧惑，合于房。

乾德二年，地震。五年，又地震。

太宗太平兴国二年，凿汴金明池，有龟出万余数。六年，汴京后苑产嘉谷，一茎七穗。九年，汴西民献白鼠二。

雍熙二年，旱。三年八月，大雨霖。

端拱二年，暴风起东北，尘沙曠日，人不相见。

淳化元年六月，大风雹。二年正月丙戌，荧惑犯房第一星。春大旱，蝗。冬无

<sup>①</sup>复五，疑为后主。北齐后主高纬年号为天统。

冰。冬十月，太平兴国寺牡丹花开。

真宗咸平元年正月戊寅，汴之西北有雷电。五年秋八月，龙图阁瑞木生，或有文成字者，或有如北斗星，或有如蛇形者。

景德元年春正月，地震。

大中祥符二年春夏，大旱。有黑龟甚众，沿汴水而下。冬无冰。三年，大旱。四月竹有华。五年正月，雨水木冰。

天禧二年，有龟蛇见于繁台之东南，土人于其地建真武堂，后泉涌堂侧，汲之不竭，人有疾疫者，饮之辄愈。诏建祥源观，凡六百十区以奉神。夏五月，真宗迎奉圣祖至谷熟于圣母舟中，幢节上得小龙二，如茅山池中物，畜于禁中。已而忽失一，守者求之不获。是夜，闻雷声，有光如火照净阁，翌日失者复至，即遣使送还茅山池。秋九月，产芝五十本。七年七月戊辰，大风。十月，地震。

仁宗天圣七年六月丁未，玉清昭应宫火。

明道元年秋八月，修文德殿成，壬戌夜火。

庆历元年十一月甲午，雨药。三年十月，上清宫火。四年六月，大旱、蝗。

至和元年春正月，疫。五年五月己丑，地震。

英宗治平二年八月庚寅，大雨。四年十二月壬子夜，睦亲宫火。

神宗熙宁元年五月，开化坊醴泉出。自七月至十一月，地震者六，数刻不止，有声如雷，民舍摧折，压死者甚众。三年十月，雨木冰。九月壬子，三司火。六年十二月，开封府火。八年二月，雨木冰，风霾。九年正月，雨木冰。

绍兴四年闰二月癸卯，雨雹。七月甲子，禁中火。四年七月，地震。

元符元年，宗室宫院火。

徽宗建中靖国元年二月丙申，雨雹。六月壬寅，集禧观火。

大观元年冬十月，获双首龟于黄河，人皆骇异。帝命弃于金明池。

政和二年七月，玉芝产禁中。三年夏至，北郊有黑气，长数丈绕祭所。五年，禁中芭蕉连理。七年夏，二鱼落汴京殿上。九月，掖庭大火。

宣和元年夏，茶肆中龙见。五月，汴中大雨，水高十馀丈。六年有卖果男子孕而生子。七年，有妇忽生髭髯，长六七寸，踈秀甚美，帝诏为女道士。七年，甘露降，有鸮鸣于郊宫端诚殿。

钦宗靖康元年二月丙子夜，汴京火。

高宗建炎元年，大饥。七年五月，有龙撼宣德门，灭宣德二字。刘豫亟命葺之，君龙象也，宣德帝君也，非豫所宜。僭龙撼灭亡之象。是岁，伪齐亡。

金

天兴元年三月，大疫。

元

元统二年春正月庚寅，雨血，湿衣，皆赤色。

至正三年秋七月，大水。十四年春正月，汴河冰，五色皆成花草，如彩画，三日方解。十七年，居民每夜二更闻文庙后、蔡河湾西至安国桥河水底牛鸣叫吼震地，至四更方息，连鸣月馀。人谓城似卧牛故鸣，孰知牛鸣为陷城之兆。次年城被刘福通攻陷，迎伪主小明王都而居之。二十一年十一月，黄河清，凡七日。

### 明

洪武二年正月丙申，夜，太阴犯房，荧惑入斗。九年正月庚午夜，太阴犯房宿。二十年河溢冲汴，由安远门入，渰<sup>①</sup>没官私廨宇甚众。

天顺五年，黄河溢决，开封府城由安远门入，渰没官廨民庐甚众。上命工部侍郎薛远塞之。二十年大饥。

弘治六年正月，有大星殒，光芒烛地，其年冬大雪深丈馀。十一年斗粟十钱。十二年白豕见。

嘉靖元年冬十二月，雷电雨雪。十三年五月，秀麦生，有二岐三岐至五岐者，三百余本。十七年春大饥。三十二年春，大饥。

隆庆二年秋七月，大雨三日，城中用水车掣水出城。四年夏四月，儒学竹林中产芝，五色俱备。

万历三年夏四月，大雨冰雹。五年十月，彗星见西北，芒长二丈馀。九年夏五月，疫。十五年河决。十六年大疫，斗米三钱，道殣相接。十九年辛卯，大风霾自西北来，昼晦如夜。三十三年开封府学文庙火。三十七年正月，都察院火。四十四年六月，蝗食谷黍殆尽，生鼠甚多，官以谷易之，捕者堆积如山。是岁民有菜色。

天启元年春，风霾。

崇祯六年五月，提学奎楼魁星见，市民悉见之，咸谓状元刘理顺先兆。七年二月，夜，红风竟夕，窗外如灯火。十三年四月，蝗啮麦尽，八月霜杀菽，大饥，人相食。十五年五月，闯寇围汴五阅月，粮尽，人相食。九月河渰城，官舍民居尽被沦没，渰绝者百万户。十六年正月上旬，大雪雷鸣。十七年三月十七日，日双环。

### 国朝

顺治七年春，旱，民有产五足牛者，杖杀之，寻大雨。十三年三月初五日，黑风自西北至，昼如夜。春大旱，冬雨木冰。十四年四月，大旱。十六年正月，大雨雪，府学冰结花，有鸟兽草木状。八月十二日，彗星自东南行西北，约百馀丈，群星随之谾谾有声，夜如昼。十八年五月二十一日，汴东南四十里异风，发民屋雨冰如拳，间有如斗者，伤麦禾。

### 疆域形胜、山川同序

疆域不志，无以见天下之腹心。形胜不志，无以见平地之金汤。若夫山川之志，

①渰，淹。

则又仿《禹贡》总其大都曰某山曰某水之意也。呜呼，疆域之远近如昨也，形胜之左右前后如昨也，而山川胜概半付黄泥口沙中，其润我梁园而即以灌我梁园者，惟黄河为烈矣。览志者其慎勿侈谈邑迹，而讳言民忧哉。

祥符附开封郭东三十五里陈留县界，西三十五里中牟县界，南六十五里尉氏县界，北四十里封丘县界，东南三十五里通许县界，东北四十里兰阳县界，西北五十里延津县界，六十里阳武县界。北一千五百八十里达京师，南一千一百七十里达江宁。东西广七十里，南北袤一百五里。

### 形胜

祥符左有睢阳之固，右有成皋之险；大隗崔嵬壮西南之雄镇，黄河萦绕据东北之巨津，矧鸿沟外控汴水内临后屏障于太行，前通津于淮颍，冈阜环带河渠合流，分疆十同，提封万井，实天造地设之都会也。酈食其云：陈留，天下之冲，四通五达之郊。

### 山川

夷山，在县治之东北隅，上方寺之前。以势平夷故名。

艮岳寿山，在县治之北。即宋徽宗所增筑，以广皇嗣者。

牟驼岗，在县西北十五里。宋天驷监牧养之所，靖康时，金将屯兵于此，河决平。

凤城岗，县西南十里许。世传金章宗时有凤凰率诸鸟集于此，亦名凤凰岗。

望牛岗，在县西南十三里。城形势如卧牛，登是岗以望之，则居然可见，故名。

百岗，县东北三十里。宋元嘉八年檀<sup>①</sup>道济与北魏战，粮尽而返。魏军袭之，道济夜唱筹量沙以给之，魏军果退，今犹存。

独乐岗，县东十五里西。有富翁子婚嫁日，邀故旧饮酒为乐。徽宗微行见而美曰：此人其独乐哉。故名。

鹑村岗，县南五十里。宋养鹰鹑处。

牛尾岗，封丘门外东一里。俗以城为卧牛，此岗则牛之尾也。

霍赤岗，县东北二十里。辽主耶律德光灭石晋屯兵处。

狼城岗，县西三十里。

杏花岗，县西五十里。一名青龙岗。

药局岗，县西二十里。旧宋朝元宫药局。

缠腰岗，县东北二十五里。俗名长叶岗。

仙牛岗，县东北二十五里。一名牵牛岗，昔有老人，形貌甚异，牵牛过此，人问之忽不见。

①疑作“檀”。

侯家岗，县南十八里。

猴子岗，县南六十里。

井家岗，县南十五里。

七里岗，县西南七里。

八角岗，县西三十里。

百亩岗，县南二十里。

万龙岗，县东五十里。一名烂龙岗，俗传有龙烂于此，故名。又名望龙岗。

祝岗，县东南五十五里。

钟家岗，县东南五十里。

赤仓岗，县东南四十五里。又名关头岗。

苏村岗，县东南十里。下有苏氏大族，俗呼之。

毛岗，县东南二十五里。

黑岗，县西北二十五里。其土黑色，下有池，多鱼，今涸。又名涸鱼岗。

太平岗，县东二十里。

沙坞岗，县东北二十五里。

袁家岗，县东北二十五里。一名北神岗。

南神岗，县东北二十里。

梳头岗，县东二十五里。

角桥岗，县东北五里。

边村岗，县东五里。

殷家岗，县东十里。

白石岗，县东二十五里。有石皆白色。

胡岗，县东二十五里。

傅家岗，县东二十里。

杨子岗，县东北二十里。

槐疙瘩岗，县东北三十里。

兔白岗，县东北四十里。

苏家岗，县西五里。

狮子岗，县西三十五里。

青堆，有二，一在县东窑务保之东北；一在县西南毛保之西。

申家堆，县西之永安保。

大营堆，县西八角保。

王家堆，县西南毛保。

黄河，自积石，历龙门至于华阴，入河南地，及碣石入海，周徙砢砢，渐移南流。汉徙东郡更注渤海，决平原东入青济，河非禹导久矣。光武皇帝欲修河、汴，浚

仪令乐俊上言：民劳。遂止。明帝永平中，命浪乐王景发卒数十万治汴渠堤。顺帝阳嘉二年，诏自汴河口以东，采山叠石为堰。周世宗顺德四年，疏汴水入五丈河。宋太宗太平兴国十年夏五月，河决滎泽。自王供埽至汲县怀州，北流断绝，河道南徙，东汇于梁山张泽泺，为二支流入淮始也。徽宗建中靖国元年春，诏修苏村西堤，左正言任伯雨奏：河为中国患，不可以人力制，宜因其所向，宽立堤防，即恐北流淤淀，亦惟塘岸增防。议者有献东流之策，非计也。四年春二月，工部请修苏村运粮河堤，从之，金之亡也。自开封北卫州决入涡渠，而淮始受全河矣。

元仁宗延祐六年春二月，筑护城堤。泰定三年，坏汴河乐利堤，诏发丁夫筑之。顺帝至正间命贾鲁治河堤，遂复故道。明洪武七年决开封堤，诏参政安然寨之。十有四年，□上曰：谨护旧堤，勿劳吾民。十有六年秋八日<sup>①</sup>戊辰决□月堤。二十年入安远门。二十四年河东经城北五里南行至顷城，经颍川正阳入淮故道，遂淤。秋八月溢，城三面受水，诏于滎阳高埠处筑仓库以待之，冬十有一月蔡水南徙入陈州。三十三年河决，从封丘门入。

永乐四年，诏修汴北堤。九年三月壬子，遣侍郎张信来，得鱼王口至中滦二十馀里有故河，岸与今河面平，命兴安伯徐享等治之，工部尚书宋礼开会通河兼治之。秋八月庚戌，河循故道与通会河合。正统十有三年河决滎泽东，过城之西南而达于淮，徐有贞塞之。天顺五年入城，工部侍郎薛远塞之。明年春二月，石牯成。成化十有四年春，决杏花营。弘治二年从城东北过沁水，溢流为二，一自于家店经兰阳、归德、徐邳入于淮。一自荆隆口、黄陵冈东经曹濮入张秋。六年夏大霖雨，遂决运道，上遣平江伯陈锐、都御史刘大夏濬四府营淤河二十里及滎阳孙家渡口、贾鲁旧河，以杀其势，乃塞之。七年，都御史徐恪上言去岁开孙家渡口，塞黄陵冈功成而隳，张秋可虞，北河南游，民不堪命，请假九江淮扬钞银、荆芜料银，数十万不报。正德四年，侍郎崔岩开董盆口地四十里接故道，霖雨氾滥。八年侍郎赵璜疏汾须水以杀之。嘉靖五年，都御史盛应期疏赵皮寨，功弗成。守臣以为弘治迄今凡十五浚，卒不成，罢之便。三十一年，遣刑部侍郎吴鹏来，亦以为罢之便。三十八年决判官村，经城西南直至教场近南城门，都御史章焕塞之三日。隆庆四年秋七月，决陶家店断月堤，明年决坏民田庐。万历五年秋八月，决刘兽医口。九年夏六月溢，十五年夏秋，淫雨，灋、洛、沁水泛涨，决刘兽医口、铜瓦厢、荆隆口，南浸城堤东，北虞张秋运道，东至茶城河逆而上，淮黄合流。上以河臣权分，乃使工科都给事中常居敬视事疏塞之。二十九年决槐疙瘩，断堤处成潭，经五十年不涸，四十四年决狼城冈。崇祯九年决黑冈，十五年决黄金坝，省城沦没，河徙东南，正东揭衣可涉，上发帑金五十万，命工部侍郎周堪赆招夫塞之，期月工成。

国朝顺治九年决朱源寨，全河北徙，故道干竭。上命侍郎杨方兴督工挖支河以分

<sup>①</sup>八日，原刻本该两字模糊不清。或为八月。

之，越五载始复旧。志曰：自九河湮入海，不由碣石，河乃为中国患。决瓠子，东南流注巨野，通干淮、泗，入淮非后世始也。筑宣房导河北行二渠，复禹旧迹，则禹迹非一失而不复也，复之难不徒在地势高卑，民之坟墓、田庐之间耳。国家日欲藉河之利，安得避河之害，将空河壖听其弥漫。元光天子久不事塞，民何以相安于二十余年乎甚哉？梁楚之地古今于河为利害也。河初去城四十里，决黑洋山，去城五里，决荣泽，而城则北矣。弘治间复北流，凡三入城三迫城下，岌岌至今，民鱼其忧，夫析二播九治之，以分而周用沟洫创任不易，则惟以贾让下策为上策而已。欲用下策，则重用财；欲重用财，则重用民；欲重用民，则重用民力；民出其财，以支费竭其力以御灾，而取之无艺，用之不经，民是以财力自为困也。夫费劳无已，数遭其害，民非徒自为固已也，而可常恃吾民乎。我清变募夫而计亩抽夫，大工协以临省，中工协以临郡，小工协以临邑。立法亦未尝不善，近如十四年□龙庙一工，十五年魁星清河两工。十四年决槐疙瘩，十五年十七年其三决，起夫修筑俱违例，而独累祥邑，致民冬离甯，奉行者可不慎欤？

汴河，荥阳引河至浚仪西北，酺为二渠，一经阳武、中牟台下为官渡水。一秦人疏凿灌魏，即鸿沟。右合五池口，谓之茭荡渠。汉明帝时，王景王吴缘作渠：曰浚仪，而县以渠名也。灵帝时，于敖城西北垒石门以遏渠口，故又曰：石门渠。外东合济水，至敖山北又兼丹邲之水，渠水又东经荥阳北旃然水，自县东流入郑州、荥阳，县西二十里三皇山上有二广武城，相去百馀步，汴水自两城间小涧中东流而出。晋桓温北伐将通之不果，刘裕西征浚之而漕。隋大业时，起荣泽入淮千馀里为通济渠，唐改为广济渠。开元中裴耀卿用以输纳江淮租船，开元末齐干浚渠下流，寻亦停废。宋漕四路而汴河为最重，元至元二十七年河决义唐湾，自汴城迤东至陈留、杞县淤入蔡柴河。明洪武二十四年，河徙蔡河，亦淤。今城中延庆观前小砖桥渠迹微存，俗名嗅河儿。崇禎十五年，河水灌汴，并微迹荡为平芜。志曰：桑钦曰汴水出阴沟，阴沟水出茭荡渠，渠出荥阳北，河东南下引为鸿沟者也。故茭荡渠、阴沟、鸿沟、汴浚其实皆一水也。酺道元所谓津源之变名也。李濂曰：在今县治南三十五步，源出荥阳县大周山，合京、索、须、郑四水，犹未悉其经纬也。

蔡河，兼闵水、洧水、溟水<sup>①</sup>，以通舟楫。闵水自尉氏历祥符合蔡，是为惠民河。洧水自许田注鄢陵东南，历扶沟合蔡。溟水出郑之大隗山，注临颍，历鄢陵、扶沟合蔡，凡许、郑诸水悉会焉。犹以浅涸植木，横浅为水之节，启闭以时。宋太祖建隆二年，命中使浚蔡河，设斗门节水，自城距通许镇。三年诏发畿甸、陈、许丁夫疏浚，南入颍川。其自尉氏北流，至汴京戴楼门东，广利水门入城，名西蔡河，接闵水，缭绕城内。其从陈州门西普济水门出城，流经通许，复接旧蔡河，名东蔡河，即所谓惠民河也。又至陈州东南，蔡河口入沙河以通、陈、蔡、汝、颍诸州之漕运。元

<sup>①</sup>溟，音yì。~水，今中国河南省清溟河的古称。清溟河属于颍河支流。起自河南省许昌市区北东部。向东偏南流经许昌、临颍、鄢陵，至西华县逍遥东北入颍河。全长149公里，流域面积2192平方公里。

世祖二十七年，黄河决祥符之义唐湾，而西蔡河上源由是湮塞，其汴河下流亦皆淤塞，不能东达淮、泗，水亦入蔡河焉。后以水浅不能行舟，乃立闸以积水。明洪武初，自里城东南置小木闸一十有九，以通舟楫。洪武三十三年，黄河泛滥而河及闸俱被湮废。今南薰门内东西，有河积水不涸，不复通舟矣。是以河之上有东西二桥犹存，东曰小桥，直对南城门。西曰雷家桥，在今南□□察院前。崇祯壬午，河水入城，二桥俱湮没。

金水河，一名天源，本京水，导自荥阳黄堆山，其源曰祝龙泉。宋建隆二年，命左领军卫上将陈承昭凿渠。引水过中牟，名金水河。凡百馀里，抵城西，架水横绝于汴，设斗门，入浚沟，通城壕，东汇入五丈河，公私咸利。乾德三年，引贯皇城，历后苑内廷池中。开宝九年，帝步自左掖，按地势引由承天门凿渠，为大轮激之，南注晋王第。大中祥符二年，诏供备库使谢德权决金水，自天波门至乾元门，历天街，绕太庙入后庙，皆甃以砮甃，植以方木，车马所经，又累石为闸梁。作方井，官寺、民舍皆得汲用，复东引城下水，窞入干濠。元丰五年，金水透水槽阻碍上下汴舟，遣宋用臣按视，请自板桥别为一河，引水北入于汴，后卒不行，乃由副堤河入于蔡。以源流深远与永安青龙河相合，故赐名曰：天源。自金元以来，淤塞不存矣。

五丈河，在县治北安远门外。唐武后时引汴水入，白沟接注湛渠以通曹兖之赋，河阔五丈，名五丈河。即白沟下流也，自元明以来，累经黄河泛滥淤塞。

六丈河，在今北门外五里。宋时恐河为患，开此河，以杀其势。谚曰“尔有三丈水，我有六丈河”是也。明洪武间河决，淤塞。

大黄寺河，一名埽头河，在县东北三十五里，即黄河之支流也。

伯俞河，在县西南三十里八角保伯俞村。古孝子伯俞居此，下流南经水鱼寺，北合汴水至通许清水口入黄河。今淤。盖河自中牟东流至八角保，则名伯俞。下至新仓，则名安家河。至郑店，则名鲁沟河。随地异名，其实一河也。

掣水河，有二，一在南戴楼门外东流，一在东扬州门外，南流至东南合为一，南至赤仓保钟家岗达于黄河。永乐二年城内外积水，始开以利民，是后河虽溢流而水不复入城，故名掣水河。

白沟，无山源，每岁水潦甚则通流，踰月不雨即竭。宋至道二年三月，内殿崇班阎光泽、国子博士邢用之请开白渠：自京师抵彭城、吕梁口，凡六百里，以通长淮之漕。宋州通判王矩极陈不可。咸平六年用之为度支员外郎，又令自襄邑下流治白沟河，导京师积水，而民田无害。熙宁六年，都水监丞侯叔献请储三十六陂及京、索二水为源，仿真、楚州开平河置闸，则四时可行舟，因废汴渠。帝曰：白沟功料易耳，第汴渠岁运甚广，河北、陕西通焉。又京畿公私所用良材，皆自汴口而至，何可遽废。王安石曰：此役苟成，无穷之利也。当别为漕河，引黄河一支乃为经久。冯京曰：若白沟成，与汴、蔡皆通漕，为利诚大，恐汴河终不可废。诏刘焘同叔献覆视。八月，都水监言，白沟自睢河至于淮八百里，乞分三年兴修，其废汴河，俟白沟毕



功，别相视。仍请发谷熟淤田司并京东汴河所隶河清兵服役，从之。七年正月，都水监言，自盟河畎导汴南诸水，近者失于疏浚，为害甚大。于是辍夫修治，而白沟之役废。初王安石欲罢白沟，修汴南水利。帝曰：人多以白沟不可为，而卿独见可为。安石曰：果不可为，罢之诚宜；若可为，即俟时为之，何必计人言也。政和二年十月，都水监丞孟昌龄言开浚仓晖门外白沟河，开堰放水，仍旧通流。当宋都时，汴、蔡诸水漕舟城中，沟洫互通，犹时遣使疏导内外八厢，创置八字水口，通水入渠，迄今数百年间，人民城郭皆非，旧日街坊廛市改徙无常，深沟淤为高阜，今人家修筑往往得其遗迹，深在堂奥之间，岁时雨潦□比新□没。丁未夏，霖，民庐倾圮，官署升堂而栖之台，令搜求故沟，广询宣泄之术，竟以势阻莫能追复。

隋堤，一名汴堤。隋炀帝大业元年，命尚书左丞皇甫议复西通济渠汴石陡门，引河水入汴及泗，以通于淮，筑堤，树柳护堤，离县三里，一名三里堤。西北接金村，南抵苏村，河水冲圮。明正统间，巡抚侍郎于谦筑东、西、北三面，镇以铁犀，铭其背。景泰二年。巡抚都御史王暹筑南与东西相接，凡四十餘里，号大堤。天顺五年侍郎薛远因河入城，乃于丽景门置石闸以泄内外积水。崇禎十五年河决冲断，遗迹仅存。

乐利堤，在水门外正西。

高门堤，在固子门外西北，连乐利堤。

金村堤，在城西北十里。

十八里堤，去城十八里，西北接封丘县界，东南抵窑务保太平岗。

夹堤，在固子门外。宋筑护金水河，西抵中牟，东抵外城。圮于河。

埽头堤，在马尾墙保。元筑，东接陈留县境，西接陈桥。

接冈堤，在永安保。西接脾沙冈。

横堤，在郑门外。南接大堤，北抵接冈堤。

娄堤，在娄堤保。南北约十里。

汴护堤，在城西，旧汴河北岸。

金水堤，在里城外。西至固子门，东抵城濠。

幕天陂，封丘门外。宋李纲败金兵处。

胭脂陂，在城西北东和保之西。

夏侯陂，在城西南朱仙镇。

好草陂，城西南宋鄂王牧马处。草生极茂，俗名捞饭店。

荻荠陂，宋门外。因水中多生荻荠故名。今淤碱。

寒陂，城西南闹店保之北。

练子陂，城西南闹店保之西北。

牧儿陂，城西南闹店保之西。

青头陂，城西南闹店保之西。

刺史泊，在郑店保南，唐刺史郑公种苇处。

杨子冈泊，在霍赤冈保。

杨六郎宅水泊，在城内西北。本其宅外泊也。

龚家泊、甫家泊、牛家泊，皆在八角保六泊。今无存。

于家店渡，在城西北三十五里。

刘兽医口渡，在城正西四十里。为河要害，民船。

张家湾渡，在城西北十五里。民船。

时和驿渡，在城北二十里。为河要害，民船。

王家楼渡，在城东北三十五里。济渡要口，民船。

翟家口渡，在城西北二十五里。最要害，官船。

### 风俗

夫风俗者，本乎人心，征乎气运，治忽之升降系焉。其趋也，恒如波颓而中流之冲，殊鲜砥柱。《寰宇记》云：魏俗尊年齿尚经术。旧志亦云：浚仪士羞干谒，民耻告讦，而开封志谓：成弘前，婚不论财，丧遵礼制，以今视昔，俗多变更，大率渐竞奢靡，而会城尤胜，冠蔑三加，婚疏六礼。丧则盛浮屠、沸笙管，以徼福娱灵为事，是以期功丝竹文靖之致讯，而庶见素鞞，诗人所以深叹也。迨至明季，器陵益甚，伎女露髻巾网，全同男子；衿庶短衣修裙，遥疑妇人。九华是帙，罗汉为屨，傲侮前辈，墮弃本业，良可悼也。更若藩宗虺<sup>①</sup>横，阉从鸱张，投献即为王庄，亡命胥为伴当，以故吞噬士民，輶轳缙绅，构建当道，靡不殫厥威虐，而浮惰恶少群依麀<sup>②</sup>集，习争喜讼，盖遗风至今犹未殄也。俗以日偷而民以日贫，其振励而表率之非，当事与士大夫之责哉。他如东郊鞭春，朝觐<sup>③</sup>娱岁，上元火树，寒食松楸，五日射粽而续丝，七夕陈瓜，而乞巧远望庾楼之月，高数龙山之奠食傅饩<sup>④</sup>，以迎长易桃符而待旦。凡兹节序之相及，亦多风土之攸同，故不具赘。

### 市集桥梁同序

日中为市，创自伊耆，而为关以御暴，设梁以利涉，固以通往来，实以便市集也。汴自寇躪<sup>⑤</sup>水溺之，余叠见沧桑顿易陵谷，向来之市集、关梁，半不可问矣。虽然不志市集，今日之凋敝无以见也。不志关梁，当年之故迹无以考也。兴复而修治之，谓非当事者之责欤。

中市，在城旧隅头。

东市，在城鼓楼街。

①虺，虎吼，勇猛。

②麀，应为麀。

③觐，相见。

④傅饩，一种面食。

⑤躪，古同躪。

西市，在城钟楼街。  
 土市子市，在城土街。  
 州桥市，在城南薰门街。  
 揽秀市，在大梁门内。  
 埽头集，城东四十里。  
 招讨营，城东四十五里。  
 太平冈集，城东三十里。  
 王家楼集，城东四十五里。  
 薄酒王店集，城东三十里。  
 八角店集，城西三十里。  
 瓦子坡集，城西三十五里。  
 杏树集，城西六十里。  
 狼城冈集，城西四十里。  
 高坡集，城西三十里。  
 朱仙镇集，城南四十五里。宋岳鄂王屯兵处。  
 赤仓集，城南三十里。  
 水坡集，城南六十里。  
 大高庙集，城南三十里。  
 关头集，城南三十五里。万历三十七年县令王鹤龄创立。  
 小高庙集，城南六十里。  
 闹店集，城南六十里。  
 刘村集，城南六十里。  
 陈桥集，城北四十里。  
 刘光集，城北七十里。  
 曹冈集，城北五十里。  
 黄陵集，城北七十里。  
 平丘集，城北六十里。  
 牌沙冈集，城西七十里。  
 店李家口集，城西三十五里。  
 新仓集，城西南二十里。  
 八里湾集，城东四十里。  
 祁村屯集，城北五十里。  
 郭桥集，城西北五十里。  
 荆隆口集，城西北四十里。

## 关梁

东关，有二，一在丽景门外，一在仁和门外。陆路通南京、浙江、山东。

南关，在南薰门外。路通川、广、云、贵诸省，贸易甚众。旧地洼下，每潦注无泄多淖，淤，往来艰于行。万历三十二年时督学吴公中明庖臬堂事，遂措余金，募饥民平治之。

西关，在大梁门外。路通京师，山陕使客都会车马驰集店房烟湊建，重城辟四门，壬午湮没待修。

北关，在安远门外。路渡黄河通临清，入京师之东路也。

临蔡关，在县东南三十里。周显德中，浚闸河入蔡河，命水军驾战舰沿颍入淮以伐南唐，置关于此。今废。土人仍呼其地为关头。

通津关，在县东北埽头四十里。周显德初，疏汴水入五丈河，以通齐鲁舟楫，置关于此。今废。

州桥，南唐建，宋改为天汉桥。今淤。

浚仪桥，在县治西延庆观前。今淤。

龙津桥，在旧县治南蔡河上，又名新桥。今淤。

雷家桥，在旧县治西南，龙津桥之西。今淤。

板桥，在旧县治西南。

马军衙桥，在旧县治西南，一名兴国寺桥。今淤。

宣化桥，在旧县治西。今淤。

寺桥，在旧县治东崇法寺前。淤。

蔡河小桥，在旧县治东南。

小砖桥、逊义桥、太平桥，俱在旧县治大宁坊。

宋子桥，在旧县治西南。

金梁桥，在县治大梁门外。俱淤。

云骥桥，在旧县治丽景门外。

安家桥、新仓桥，俱在县西南四十里朱仙镇。

青晖桥、白虎桥，俱在旧县治西北。

陈桥，在县东北四十五里，即宋艺祖为众拥立黄袍加身处。今有系马槐，大二十围，枝干虬曲空洞，甚为奇异。

沟渠，有四，一在布政司，一在按察司，一在开封府，皆系旧设。一在祥符县。万历三十七年，知县王鹤龄□开通大汴河。今淤。

义井，有二，俱在大梁门外。一元人刘道源建，一明人副使李贵和建，里人赖之，故名。

三井，在鼓楼东街之北。井口一石三眼，故名。今存。

八角井，在旧县西。宋时开凿，刘敞有诗。

甘泉井，在旧县治北徐府街。洪武初，河水入城，水皆咸苦，饮者多泻痢之疾。永乐癸未夏，魏国公宅后忽涌一泉，色冽味甘，甲子汴教授滕硕有记。

相国寺两井，在圣容殿前甬道之东西。宋木工喻浩建亭，极其精巧，近代工人不能解也。寺有十绝，此其二，今井并亭俱淤废。

府学井，在旧府学内名贤祠南。味甚甘冽，饮者便之。今淤。

八王井，在蔡河南太平街。今淤。

升仙桥井，在旧县治南。今淤。

花园井，在旧县治西军储仓。楚项羽玉花园井也。今被淤废。

老公公井，在旧县南薰门外。廖太监开凿，置铅井底去咸卤，故水视它井倍甘。今淤。

### 古迹陵墓同序

今人睹河洛而思禹，过曲阜而悲孔，二圣岂以河洛、曲阜重哉，人自履境而慨慕耳。大梁造字一台，开文字之祖。降及后代，而胜迹名趾所在犹存，即洪水屡汜，半付泥沙，黄发渔樵尚能识之，不仅传籍之记载也。若夫墓冢累累，亦有间出于黄茅白草中者，生前事业死后声名，赫赫在耳目矣。取而志之，不堪为后人凭吊之资哉。

梁王城，县西北二里，梁惠王之故城也。

博浪城，县北三十里，一名博浪沙亭，汉张良令力士椎击秦王处。

仓王城，县北时和保，古仓颉所筑。

小黄城，县东北，汉置县，属陈留郡，北齐废。

新里城，县西南，临置县后省入陈留。

康王城，县北时和保，宋高宗为康王时筑之，故名。

夷门，在县治东北隅，李濂引《史记》夷门者，贼之东门也。今在北门内之东城垣，改徙墓，可考。

沙门，在城西东和保。

小陡门，在永安保，宋时垒石砌闸，以积汴水。

南衙，宋包孝肃公听政处，即旧开封府是也。今淤。

汴故官，即废周府，今改贡院。

龙德宫，在城内西北隅，宋徽宗潜邸，及即位广之，易今名。有壶春堂，兵毁。

延福宫，在安远门内，宋徽宗建，規制精巧莫与为比。兵毁。

太一宫，有三，一在苏村，一在八角镇，一在五岳观旧址。今俱废。

东景灵宫、西景灵宫，在端礼街之东西，宋奉艺祖以下御容于内。今淤。

九成宫，崇宁初，方士魏汉津请备百物之象铸九鼎，四年三月九鼎成，诏于中太一宫之南为殿以奉安，各周以垣上施睥睨堞，以方色之土外筑垣环之名，曰：九成

宫。今淤。

玉清昭应宫，宋大中祥符初建，七年而成，凡二千六百二十楹，制度闳丽。天圣中，毁于火。

上清储祥宫，宋太宗至道元年，上清宫成。庆历三年火，其后复修，以宫之所在为子孙之祥，因赐名上清储祥宫。命苏轼撰碑文以纪其事。今淤。

望京楼，即西门楼，旧无名，以唐令狐绹诗有望京句，故名。今废。

升平楼，在城内宋大内需云殿东。旧名为紫云，乃宫中观宴之所。明道初改此名。今淤。

遇仙楼，在南薰门内。金时有狂僧李菩萨者，尝就杨广道赵君瑞待宿，一日大寒，杨生与之酒，若愧无以报主人者，晨起，僧持碗出，闻其啜酒声入，日增明，亭前花开矣。已而牡丹开两花，时正大四年十月也。来观者车马阗咽，酒尊为之一空。赵秉文尝作《满庭芳》词以纪其事。今淤。

明月楼，在州桥南。洪武十五年，因其废址为税课司。今淤。

宝津楼，在郑门外。琼花苑内。今淤。

状元楼，在城内新桥东北，今淤。

会仙楼，在雷家桥北。今淤。

得胜楼，在得胜桥侧。今淤。

和乐楼，在城内，旧名庄楼。今淤。

庆丰楼，在城内西北隅。今淤。

莲花楼，在郑门外，宋时士大夫多于此饯别。今淤。

玉川楼，在城上□□街。今淤。

清风楼，在旧县西南。今淤。

宴宾楼，在金明池之右。今淤。

丰乐楼，旧名樊楼，在城内。宋徽宗建。今淤。

信陵馆，信陵君延上处。今淤。

同文馆，在大梁门外西北。宋时建，待高丽使臣之所。今淤。

班荆馆，在封丘门外之东。宋时建，待番使之所。今淤。

柳林馆，在县东北南神冈。宋人游宴之所。后沦于水。

奉天台，在布政司治后。洪武初驾幸汴，筑以为燔柴之所。后沦于水。

封台，在南薰门外。亦驾幸汴，筑以为祭神之所。今淤。

吹台，在城东南三里许。按《九域志》即繁台也。本师旷吹台，汉梁孝王增筑之，一曰平台。后建禹王庙于上，庙后有唐杜甫、李白、高适三贤祠。又附何景明、李梦阳为五贤祠。毁于兵。

灵台，在县南二十里。梁惠王筑，一名惠王台。今废。

沙兀台，在县东南郑店保。台上有郑安平庙，元李兵毁。

造字台，在县北时和保。世传仓颉造字之所。今废。

宴台，在县东北十五里。宋帝籍田于东郊祀先农毕，享胙，宴百官于此。

迎秋台，在固子门外。后唐庄宗筑，宋都人九日于此登高，今废。

百花台，在固子门外。宋徽宗筑，今废。

拜郊台，在县南十里，其东又有东拜郊台。俱宋筑，今废。

看街亭，在县南薰门之东南。今废。

驻蹕亭，在布政司圆堂后。洪武初驾幸汴，诏建行宫，留大旗以镇中原，后因为亭以贮之，今废。

信陵亭，在城内相国寺前。魏公子无忌胜游之地，旧有此亭，今废。

虚左亭，在县东北隅上方寺之前。魏公子无忌虚左以待侯生处，今废。

大梁亭，在大梁门外之西。今废。

新亭，在县内。唐汴州刺史令狐楚建，刘禹锡有记，今淤。

流杯亭，在县西北隅。今淤。

宋明堂，在县城内。宋政和七年建，范仲淹有赋，今淤。

资善堂，宋仁宗读书处，在元符观南。大宋祥符八年建，天禧四年徙御厨北，今废。

继圣堂，在县治东。宋太宗习射处，后宰相因真宗幸临，请以继圣名其堂，今淤。

拱奎堂，在县治内。宋钱藻尹开封府时建，今淤。

清虚堂，在县城东南隅。宋王巩建，苏轼有记，今淤。

三槐堂，在仁和门外。宋兵部侍郎王祐手植三槐于庭曰：吾子孙必有三公者。其后祐子旦果为相，遂号三槐王氏，扁其堂曰三槐。苏轼有铭，今废。

梅花堂，在开封府正厅之后。后改为公生明堂。今废。

三圣堂，在县大梁门外百步许，即未都亭西驿旧址。今废。

艮岳，在县治东北隅。初宋徽宗采方士刘混康言，京城西北形势增高，当有多男之祥。遂命于上清宝籙宫之东筑山，象余杭之凤凰山，号曰：万岁山。既成，更名艮岳。靖康时兵废。

兔园，汉梁孝王筑东苑，方三十里，是曰兔园。今城东南三里有台。

芳林园，在固子门内。宋太宗居晋邸时，太祖赐其地为园。及即位，因号潜龙。园内有池沼。淳化三年帝幸池上，谓近臣曰：昔尹京日无事尝饮池上，今池边之树已成乔木矣。又顾教坊使郭守忠曰：汝等前以乐童从我，今亦皓首，何光阴易过如此耶。乃登木心亭习射，中的者上亲酌满，举大白诏群臣尽醉。后广其地，号奉真园。仁宗天圣七年，改为芳林。今废。

同乐园，在固子门内。宋徽宗置。今废。

玉津园，在南薰门外。内有圆池、方池。俱废。

琼林苑，在县西郑门外，俗呼为西青城。宋宴进士之所，与金明池南北相对，其中松柏、花木、亭池、台榭，甚为壮丽。今废。

宜春苑，有二，一在固子门外，号西御苑。一在丽景门外，号东御苑。俱废。

迎春苑，在丽景门外东北。宋初宴进士之所，每岁迎春于此，后改为富国仓。今废。

牧苑，在城北，陈桥镇东北。宋牧马之所，今之所谓马牧者是。今废。

蓬池，《史记》曰：秦孝公使公子会诸侯于蓬泽。《汉书》曰：在开封东北。李濂曰：在城东，弥漫远阔，南入尉氏之境，其下有温泉焉。《汉志》引《汲冢竹书》云：梁惠王发蓬忌之藪以赐民。浚仪有蓬陂忌泽是也。唐玄宗更名：福源池。天宝初，士大夫褻饮于此。河淤平。

金明池，在郑门外西北，周围九里馀。周世宗显德四年谋伐南唐，凿池习水战。宋太平兴国七年，太宗幸池阅水军。徽宗政和中，于池内建殿宇，池门内南岸西去百余步有临水殿，北去百余步有仙桥，朱漆栏楯下排雁柱，在中央隆起如飞虹之状，桥尽处而殿正在池中，四岸石甃<sup>①</sup>，南有高台，上有横观广百丈许，曰：宝津楼。楼南有宴殿，殿西有射殿，南有横街牙道、柳径，车驾临幸观骑射百戏于此，毁于金兵。

凝碧池，在繁台侧，唐为牧泽，宋真宗凿为池，河水淤塞。

曲江池、凤池、雁池、平池，俱在寿山艮岳之下，今废。

礼宾院，旧名番译院，在金梁桥南、汴河南岸，宋真宗景德二年改为礼宾院。

桃花洞，在扬州门内西北，即上清宫道士所居之处，环植以桃故名。今废。

老君洞，在艮岳西北，宋徽宗供奉道像之所。今废。

迷真洞、芦渚、白龙畔，俱在寿山、艮岳之下。今废。

沙海，在城西北一十五里，按《战国策》齐欲发卒取周九鼎，颜率说曰：夫梁之君臣，欲得九鼎，谋于沙海之上为日久矣。盖谓此也。隋炀帝疏凿旧迹，引汴水习舟师，平陈后立碑其侧以纪功，累经河水淤平，莫详其处。

晋丘，一名清丘，又名玄池。昔简狄浴于晋丘之水，玄鸟遗卵吞之遂生契，即此。

## 陵墓

古仓颉陵，在城东北二十里。时和保禅通纪云：仓颉居阳武而葬利乡，即此地。

春秋扁鹊墓，在大梁门外西北，菩提寺之东。初存于城内，唐元和十五年宣武军节度使徙葬于此。汤阴亦有墓。

梁王墓，在县西八角保，高三丈，广百馀步，世称魏陵乡，又曰梁固，即梁惠冢也。今存。

<sup>①</sup>甃，音zhòu，砖砌的井壁，圆的。



信陵君墓，在扬州门之南。

段干木墓，在县西北二十里。魏之隐者。

张仪墓，在县东北七里。仪魏人，为秦相。

朱亥墓，在县西南朱仙镇，俗呼屠儿墓。

汉灵昭陵，在城东北四十五里马尾墙保，即春秋宋之黄乡。高祖兵败毋死焉，后招魂葬之，有丹蛇出水中，跃入梓宫，跃出有遗发，乃号灵昭陵，其地曰小黄园，因置小黄县。陵寝累经河水淤平，今置小黄铺。

张耳墓，在城北四十里毋寺保。汉封赵王。

晋毕卓墓，在城北。卓，晋吏部郎。

唐卫国公李靖墓，在城南闹店保。

段志贤墓，在城南闹店保之王家庄。

单雄信墓，在仁和门西北隅。国初为左护卫军营。

呼延赞墓，在朱仙镇东北原上。咸宁三年，赞掌护元德皇后园陵仪卫，还卒，葬于此。

李端懿墓，在城东北南神冈。端懿，振统节度留后，乃駙马都尉，赠尚书令，溢和文遵勳之子。

丹阳伯葛景先墓，在县西南八角保大营铺。

永泰县主赵氏墓，在城南闹店保。

曹仙姑墓，在城南闹店保，古之新里乡也。

元李铎墓，在赤仓保。铎，南康路总管。

游显墓，在城南朱仙镇，显江淮行省平章。

杨泽墓，在城南朱仙镇保枣林庄。泽，梁国公。

高平章武宣王墓，在城西南八角保。

周令公墓、陶令公墓，俱在城南闹店保。

高兴墓，在城东南史胡铺之北。兴为河南行省左丞，封梁国公定公。

贾员外墓，在城西南八角保。

明周显王墓，在城西枣林庄。

张王墓，在城南凤城冈。玉封河间忠武王，杨士奇撰神道碑铭。

### 坛庙祀祠、寺观同序

国之大事在祀，古圣王重之。祥符诸庙、祠、坛、社，载在祀典者，举以上戊，所以崇德报功，繇来远矣。嗣是合典者，或以劳定国，或以死勤王，或为民捍患御灾，皆得血食斯备载焉。至于梵宇琳宫，有古今名贤以记勒石，足垂不朽者，亦不以二氏而非之，故得附录也。外是而尼庵、瑯祠，徒以侈庸愚一时之崇奉，然而匪渎则淫，渎则弗肃，淫则弗经。此昌黎之所以欲庐其居，而操直笔者，宜力削也。莅兹土

者，诚厘正典祀，而毋渎毋淫，则由坛庙以及寺观皆理幽之道也。是安可以无志欤？

社稷风云雷雨山川坛，上戊日祭。旧在南薰门外。洪武十四年，改置周府端礼门外西南，祭祀属之。明末河水没。

邑厉坛，清明日、七月十五日、十月初一日祭。在大梁门外西北。岁久倾圮，坛址尚存。万历三十七年，知县王鹤龄□修殿舍，载在记中。明末河水没。

省城隍庙，在旧县治西北。洪武二年，封为承天鉴国显圣王。宣德辛亥修。嘉靖二十五年、万历三十六年周府重修。明末河水淹没，殿宇塌陷，住持道人募化重修。

县城隍庙，旧在城南百亩冈。万历三十九年，知县王鹤龄移于府城隍庙西南祀之。明末河水没，今重修。

旗纛庙，在都司内，明末河水没。

武庙，在都司内。正统间建祀，照烈武成王诸名将次列从祀。霜降日祭，明末河水没。

禹王庙，二月初九日、九月初九日祭。在县治东南吹台上，久圮，止存台。

三皇庙，在县治东北隅，艮岳废址之上，成化六年建，明末河水没，今修。

玉皇庙，在南土城内官路之西，世传为玉清宫遗址，明末河水没，今建玉皇观，在大杨家湖。

玄帝庙，有二，一在安远月城内，一在西关迎恩门内，明末河水没。其在安远门月城内者，因明天顺辛巳水淹汴梁，自安远门入，有司用方士议建庙以镇之，而水遂不复作。

关圣帝君庙，有四，一在安远门内，一在大梁城西，一在马军衙桥西，一在丽景门月城内，明末悉被河水淹没。今安远门一处，僧人武姓者募化重修，又添玉佛殿一所。外建土街一处，名鸿影庵，乡党好善者，重加修整。又大瓜隅头一处，西门瓮城一处，南门街一处，徐府后街一处，五府后街一处。又河北朱源寨堤一处，系总河杨抚院亢鼎建。

以上新修。

梓潼庙，在旧县治东，即大宋太学中之桂香祠，明末水没。

东岳庙，在旧县治东北，祀东岳太山神，郑门有高仲嗣记，明末河水冲没，止存寝殿，一眷赵士芳等尽力募化，施财云集，不二年告成。又河北陈桥镇庙，有宋太祖遗迹。

三官庙，在大梁门外，宣德间建，正统辛巳圮于水，成化八年重修，明末河水没。

金龙四大王庙，有二，一在开封府南汴河岸，一在大梁门外汴河岸，祀河神也。明末河淤，国朝方河道鼎建一庙于朱源寨，在汴城河北，一建于东会王府废址，一建于州桥顶，一建于徐府街。

火神庙，[有二]，一在城鼓楼东，祀祝融，洪武元年吴成建。一在周府官园，万

历十七年周王建，明末河水没，今改建旧宗学基。

岳武穆王庙，二月十五日、八月十五日祭。在城南朱仙镇，成化二十一年布政吴节、知府张岫建。万历三十五年重修，国朝里人重修，有兆岷道副使胡士梅为□。

皮场公庙，在县治东北，郑大夫子皮有惠政，郑人祀之，汴城距郑不远，故亦庙祀焉。明末河水没。

二郎庙，在城南奉神瑶，正统四年汴旱，祈祷有应，祥符知县米荣修。

樊将军庙，祀汉樊噲，在仁和门外，明末河水没。

马鸣王庙，丁次日祭。有二，一在馆驷街东，洪武二十年敕修。一在右所地方，成化年建。明末河水没。

三圣庙，在宣平坊，弘治七年建，万历五年侍郎曹金重修，明末河水没。

泰山庙，有二，一在曹门街路南，一在徐府后街，俱新建。

## 祀祠

县土地祠，在旧县治大门东，明末河水没。

锡胤祠，在城隍庙东，天顺年建。万历二十七年周府重修，明末河水没。

虬蜡祠，二月十四日、八月十四日祭。在县治西南。嘉靖八年，巡按毛公、知府刘漳重修。万历十一年，知县李天麟修。明末河水没。

李卫公祠，在城南闹店保，祀唐将军李靖。

尉迟公祠，在城南边桥，祀唐将军尉迟敬德。

包公祠，二月十二日、八月十二日祭。在县治西，成化十二年改建于府治之东，明末河水没。今创建于新开封府前。

三贤祠，在县治东南吹台上，祀唐李白、杜甫、高适。明末河水没。

名贤祠，在县治西宣化桥，祀宋开封府尹范仲淹、钱若水、寇准、陈恕、吕夷简、吕徐庆、王岩叟、张方平、杜衍、陈尧佐、蔡襄、毕士安、冯京、欧阳修，明朝王博、万信、韩英、孙珍。嘉靖三十九年知府周爻重修，明末水没。

十贤祠，丁次日祭。旧在城东南大梁书院内，祀周敦颐、程颢、程颐、邵雍、张载、司马光、朱熹、吕祖谦、张栻、许衡。万历十一年，改建于府学东文昌阁。明末河水没。

宗公祠，二月十六日、八月十六日祭。在县治西北，祀宋东京留守宗泽，赠观文殿学士，谥忠简。嘉靖三十八年，都御史章焕建。万历九年，督学袁公贞吉议祀有记。明末河水没。

李公祠，二月十六日、八月十六日祭。在县治北，祀宋相李纲，赠少师□忠院。明末河水没。

游梁祠，春秋丁祭。在县治西南，祀亚圣孟子，以公孙丑、万章等六门人配享。明末河水没，今知府朱之瑶创建于新府学明伦堂后，名曰游梁书院。

英国公三王祠，二月十六日、八月十六日祭。在县治北，祀都指挥同知张玉，以靖难功追封荣国公，谥忠显。后昭王嗣位，加封河间王，改谥忠武，配享文庙。长子辅以安南功进英国公，追封定兴王，谥忠烈，子懋袭封英国公，追封宁阳恭靖王。系巡抚都御史王建，明末河水没。

徐国公祠，在南薰门外吹台之西，祀明朝功臣中山王徐达，以常遇春、李善长、沐英、刘基、冯胜、汤和、胡大海、邓愈、李文忠配享。嘉靖三十二年建，今废。

宋国公冯胜祠，在新昌坊，祀明朝功臣冯胜，成化十一年建。有功于汴，故祀之。明末河水没。

许忠节公祠，二月十六日、八月十六日祭。有二祠，一在县治西，一在南薰门外，祀副使许逵，以宸濠变公死节，赠都察院右副都御史、加赠礼部尚书，谥忠节。嘉靖三十二年建，明末河水没。

敕赐崇孝祠，在县治西，祀明镇平王府奉国将军安河，嘉靖四十二年敕建，春秋致祭。明末河水没。

褒忠祠，二月十六日、八月十六日祭。在南薰门外，祀大司马邓州铁铉、少司马蒙泽边升、少司寇祥符王良、驸马武陟李坚卫、镇抚中牟杨本，五公遭革除之难，壬申岁诏褒录，万历甲戌岁，都御史吴道直、巡按御史刘尧卿修。明末河水没。

庇民祠，二月十四日、八月十四日祭。在县治西，祀侍郎于谦，成化中汴父老建，即公廨所也。正德十年重修，每岁春秋有司致祭，明末河水没。

六烈女祠，二月初十日、八月初十日祭。在大梁门外西北，祀烈女陈氏、张氏、高氏、刘氏、王氏、张氏，河水没。

信陵君祠，在县北，河水没。皇清布政使徐化成修。

历代忠臣祠，二月初十日、八月初十日祭。在安远安门外东北，祀夏关龙逢、殷比干，历唐张睢阳至明张来仪等其若干人。明末水没。

钟公祠，二月二十三日、八月二十三日祭。在城单储仓西南，祀河南巡抚文陆钟公奉敕建，明末河水没。

名抚祠，二月初九日、八月初九日祭。在许忠节公祠之南。王佐，海丰人，宣德十年任。王暹，山阴人，景泰二年任。王恕，三原人，成化三年任。原杰，阳城人，成化六年任。秦紘，单县人，成化七年任。徐恪，常熟人，弘治四年任。韩文，洪同人，弘治七年任。秦□，东宛人，任。陶琰，绛州人，正德元年任。邓庠，□章人，正德五年任。邓璋，涿州人，正德六年任。何天衢，通州人，正德十六年任。徐□，永康人，嘉靖八年任。魏有本，余姚人，嘉靖九年任。雒昂，三原人，嘉靖二十三年任。李奎，弋阳人，正统四年任。明末河水没。

曾抚台祠，有二，一在仓东，一在南关，俱祀巡抚曾公如春。

章公祠，在大宁坊，祀巡抚河南都御史吴公章焕，万历四年按察司吴道行立。

衷抚台祠，在西关迎恩门内，祀巡抚衷公真吉，万历十九年建。

周公去思祠，在宣平坊木厂街，祀开封府知府周爻，嘉靖四十二年建。

刘太守生祠，有二，一在西关迎恩门内，一在馆驿街西，俱祀开封府知府刘公如宠，万历二十八年建。

何公生祠，在西关迎恩门内，祀开封府推官何淳之，万历十九年建。

李公生祠，在相国寺迤南，祀祥符知县李公天麟。

萧公生祠，在西关迎恩门内，祀祥符知县萧重望，万历年建。

王公祠，在西关内，祀县令王象恒，万历年建。

以上九祠俱明末河水没。

忠贤祠，在陈桥集。崇祯癸未年建。

古圣贤祠，在县治东，崇法寺西。合祀古圣贤。皇清巡抚部院贾公汉复创建。

广生祠，在崇法寺西。皇清顺治十六年建，即巡抚部院贾公汉复生祠。

## 寺观

崇法寺，在县治东北。齐天保六年始建，名曰建国。唐睿宗改为相国寺。明洪武初敕修，置僧□□□内。成化二十年更赐今额，嘉靖三十三年周府重修，万历三十五年又重修。明末，河水淤沉□□□□脊丈许。国朝巡抚贾公讳汉复捐金，首倡诸上官绅衿乐输，共修殿宇。

孝严寺，在县治西北。即宋太尉杨业之家庙，□□□□方其子诗改庙为寺，以荐其父。太宗嘉共卒赐额名孝严。洪武二十二年重修，明末河水没。

宝相寺，在县治西北，大梁门外。五代唐明宗长兴元年建，元末兵毁。洪武二十年重建，成化十四年修，明末河水没。

木鱼寺，旧名兴国寺，在城南四十里许。宋时建，金末兵毁，元初重修。

南太黄寺，在县治东北母寺保。元末兵毁，明洪武十五年僧本受重建，二十年僧困□落成。

北太黄寺，在县治东北，陈桥保南。宋仁宗曹太后敕建，元末兵毁，明洪武二十年僧法正重修。

兴国寺，在县治西西和保。宣德元年僧觉慧建，成化十六年僧得来重修，明末河水没。

隆兴寺，在县治东北。天顺元年僧德忠建，成化十年僧真果重修，明末河水没。

万寿寺，在县治北。洪武元年僧德净建，天顺二年僧真贤重修，明末河水没。

祐国寺，在县治东北。晋天福中僧紫薇课初建于明德坊，名曰等觉禅院。宋乾德间，诏迁于丰美坊，即今所也。庆历中，改为上方寺，内有铁色琉璃塔，俗呼为铁塔寺。元末兵毁，洪武十六年僧视全募修，天顺间修葺，嘉靖间重修，明末水患寺废塔存。皇清左布政使徐化成捐俸重修。

国相寺，在繁塔前。明末兵毁，皇清巡抚部院张自德重修。

天王寺，在县治安远门外。洪武二十年僧胜安建，明末河水淤平。

清凉寺，在城东梳头岗。景泰元年僧本即建，天顺二年僧真能重修。

慧林禅院，俗呼铁佛寺，在相国寺东马道街路北。明末经河水没，皇清有僧魁一募化，左布政使徐化成捐俸建，修复其旧。

洪福寺，在城东北沙坞冈。宋崇宁元年建，明成化十六年僧本资等重修。

能仁寺，在城北五十里鲁冈。俗称鲁冈寺，殿宇巍峨，佛象庄严，亦是名刹。

景福寺，在城东四十里马尾墙。始建未详，明成化己丑、万历丙申重修，天启乙丑僧海潮、里人张志仁重修，里人奉直大夫马体元有记。

清真寺，在东岳庙前路西。明时敕修，为回教礼拜祝国之所。河水没，今重修。

大道宫，祀玄帝，在县治西南。洪武二十二年建，初为祐圣观，正德初敕改今额。明末河水没，今道人康福臻跣足苦化，复建于废永宁王府旧基。

延庆观，在县治西，旧为朝元万寿宫。洪武六年改今额，置道纪司于内。成化十六年修，明末河水没。皇清善人田高等捐资重修，渐复其旧。

三清观，在安远门内。永乐三年建，后沦于水，成化十四年重修，明末河水没。

玉阳观，在县治西北，即杨六郎宅址。明正德年建，明末水没。

白衣阁，在土街东路北。新建。

五龙宫，在木厂街。新建。

观音堂，在火神庙后街路南。新建。

延祐观，在延庆观角。新建。

涌莲庵，在城南芦花冈。新建。

放生堂，在崇法寺西。皇清巡抚部院贾汉复创建。

拈花庵，在府城南薰门内。皇清左布政使徐化成创建。

祥符县志卷之一 终